

A partir da vindeira semana, regresa a Verín o programa 'Preescolar na Casa', destinado a nenos/as con idades comprendidas entre 0 e 3 anos, co obxecto de capacitar a pais e nais para que acaden un mellor desenvolvemento dos/as fillos/as para adquirir habilidades que lles permita vivir consigo mesmo e cos demais.

Devandita iniciativa, impulsada dende o departamento de Servizos Sociais do Concello de Verín (Casa da Xuventude -Avda. de Portugal, 11 bis- ou no teléfono 988-414776), constitúe un referente na creación dunha cultura da infancia e do papel educativo da familia, asentada nos valores de compromiso coa educación, defensa e reivindicación da importancia educativa dos primeiros anos, respecto polo propio, solidariedade cos sectores de poboación máis desfavorecidos, cooperación con outros profesionais e organizacións relacionadas coa infancia e a familia; así como compromiso coa mellora continua e a competencia profesional.

A Fundación Preescolar na Casa é unha entidade sen ánimo de lucro, que opera en toda Galicia dende o ano 1977 con profesionais do ámbito educativo, ofrecendo espazos para que as familias compartan un tempo de calidade cos fillos e con outras familias, espazos nos que están acompañados dun profesional da Fundación que orienta e facilita información e formación sobre os diferentes aspectos relacionados coa educación dos/as fillos/as.